

Radøy kommune

Saksframlegg

Saknr	Utval	Type	Dato
010/2019	Hovudutval for plan, landbruk og teknisk	PS	13.02.2019

Sakshandsamar	Arkivsaknr.:	Dokumentnr.:
Andreas Granli	18/294	19/1555

Søknad om støtte frå kommunalt viltfond til hjortegjerde

Saksopplysingar:

Bakgrunn

Radøy kommune mottok 27. august 2018 søknad om viltfondsmidlar frå Øystein Kolstad, eigar av Gbnr 45/33. Det er søkt om midlar til å sette opp byggegjerde rundt eit planert areal på Birkeland. Arealet skal nyttast til lagring av rundballar og gjerdet skal halde hjorten vekk frå foret som ligg lagra på plassen. Total kostnad er 21 700 kroner og det er søkt om 10 250 kroner frå viltfondet.

Vurdering

Hjortebestanden på Radøy har auka dei siste åra. Hausten 2018 vart det felt 235 dyr i Radøy kommune. Ein markant oppgang frå året før og eit resultat av auke i antal fellingsløyve. Hjorten flokkar seg gjerne frå hausten og utover vinteren. Dyra trekker ut til områder der det er godt med mat, oftast er det da snakk om dei mest aktive landbruksområda i kommunen. Konfliktane vert store når hjorten tek til å forsyne seg av foret bonden har liggande til dyra sine.

Landbrukskontoret får ofte melding om skadar på rundballar gjennom vinteren. Slike skadar kan føre til store tap for den enkelte bonde. Sjølv om det ofte er eit kostbart alternativ, er gjerde det som gjev best effekt mot hjorteskarar.

Viltfond

Kommunalt viltfond er regulert av Forskrift om kommunale og Fylkeskommunale viltfond og fellingsavgift for elg og hjort. Viltfondet får inn midlar gjennom fellingsavgifta på hjort, valda i kommunen betalar 300 kr for vaksne dyr og 180 kr for kalv. I åra 2006-2013 vart det felt bortimot 250 dyr årleg, frå 2014-2017 var fellingstalet på 120-200 dyr i året. Sesongen 2018 vart det felt 235 dyr, om lag 65 000 kr i inntekt til viltfondet.

Det står 378 000 kr på viltfondet. Forskrifta og lokale retningslinjer regulerer bruken av viltfondet til tiltak som fremjar viltforvaltning, kunnskap om viltet, jaktorganisering, utgifter til handtering av skadd vilt og fallvilt, og for å førebyggja skader på landbruksnæringa forårsaka av vilt. Lokale retningslinjer ligg ved.

Radøy kommune har tidligare støtta m.a. aktivitetar knytt til opplæring og auka kunnskap hjå lokale jegerar (kurs, samlingar, jegerprøve) og har løyvd midlar til tiltak og arrangement i tilknytning til utdanning av godkjende ettersøkshundar med viltfondsmidlar

Konklusjon

Det omsøkte tiltaket kan støttast av viltfondsmidler og er eit godt konfliktdempande tiltak.

Rådmannen sitt framlegg til vedtak:

Det vert løyvd 10250 kroner i tilskot frå Radøy kommune sitt viltfond til innkjøp og montering av gjerde rundt rundballar på Birkeland

Hovudutval for plan, landbruk og teknisk - 010/2019

PLT - handsaming:

Hovudutvalet vedtok rådmannen sitt framlegg til vedtak.

PLT - vedtak:

Det vert løyvd 10250 kroner i tilskot frå Radøy kommune sitt viltfond til innkjøp og montering av gjerde rundt rundballar på Birkeland.

Vedlegg:

Søknad om støtte frå kommunalt viltfond
retningslinjer for viltfondet i Radøy kommune (L)(45900)